

弘眞ノ著
書多ク世
ニ流布ス

報恩院憲
深ノ末流

後醍醐天
皇ニ信任
セラル

吒枳尼法
ヲ行フ

無相違事也、借佛菩薩三藏之名號、註愚人之書、事兼妄語邪見、大有恐事也、問、
有弘眞僧正文觀房之事也、云人、其所記書籍多之、流布世間、其眞僞如何、答、彼相承流
所記鈔物、尤可知之、正流之人皆知之、雖不許容、不知案內之人者信受之、或起
高慢之心、或發邪見、其故者、借佛菩薩祖師大師之名作書籍、故傳之者、習餘人
所不見之大事、我流我身之外者、不知大事祕事也、云々、縱雖眞實之祕事、我強
起勝地（他力下同）慢心者、非正見之人、況執瓦礫爲金寶、起勝地之心、豈有冥加乎、然間彼
門流、醍醐本所無之、又習之者多無冥加、大抵有名無實也、又以凡智情識、恣談
法身內證、依之學之者起邪見、能々可知之、凡弘眞僧正事委可知之、是醍醐報
恩院憲深僧正之末流也、所謂憲深僧正、實深僧正、覺雅法印、憲淳、道順、道順下
有隆譽僧正、弘眞僧正、隆譽、道順僧正付法也、於大和國南法華寺逝去、弘眞非
道順瀉瓶疎弟子也、受法不委細、然而後醍醐天皇御謀叛之企御座之時分、爲
御祈禱、弘眞御信仰之間有威勢、本雖爲律僧、成僧正、披見處々聖教、作書籍千
餘卷、重々大事、印信三十餘通、付醍醐流造之、其中多借名事在之、無智者見之、
謂密宗最極、更非實說、又行吒枳尼法、以呪術立效驗、寫集大師御筆文字、作印
信作口訣、其類多之歟、依後醍醐天皇御權威、成東寺寺務、行後七日法之時、京

南朝正平十二年 北朝延文二年十月九日

四六五